



SULEQATIGIISITSISUT  
SAMARBEJDSPARTIET

UKA2019/25

Tillie Martinussen

15. oktober 2019 – Siullermeernerar

**Uunga siunnersuut: Ilanniartut sungiusartullu atorfinitssinnerini suliffiit pisortanilu oqartussat  
inuaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersoq.  
(Aatsitassanut Suliffeqarnermullu Naalakkersuisoq)**

siunnersuut aallaaviusumik iluarinartutut isikkoqarpoq.

Kisianni maannakkutut isikkoqartillugu taperserneqarsinnaanngilaq.

Suliffeqarfiiit malittarisassaqareersut malittarisassiuutinnginneranni pissutsit arlallit  
ilanngunneqartussaapput

Suleqatigiissitsiuni tunngaviusumik isumaqarpugut sulisut sulisitsisullu iliornitsitut taamatut  
sakkortutigisumik malittarisassiuussinnaanngikkigut.

Takusinnaavarput sulisut avataaneersut pilligit sukaterineq sulisussaaleqinikkut, ilinniarsimasunik  
amigaateqarnikkut minnerunngitsumillu Naalagaaffeqatigiinnermut, avatangiisitsinnut il.il. takutitsinitsigut  
qanoq kinguneqartitsisoq.

Sulisut maanga nuuttut tikilluaqqusaaginnangillat kissaatiginaannaratillu, siunissamili  
atugarissaanissatsinnut pisariaqartippagut.

Utoqqaat amerliartortillugit, meeqqat inuusartut ikiliartortillugit, nunutsinniit nuuttat nunatsinnut  
nuuttunit amerliartortillugit kiisalu illoqarfinniit mikinerusuniit illoqarfinnut anginerusunut  
noorartoqartillugu ilinniagaqartut procentinngorlugit ikitsillugit nunatsinnut nuuttut amerlisinnissaat  
qulakkeertariaqarparput.

Nunatsinniiginnartutu.

Inuussutissarsiortut siusinnerusukkut nammineersinnaanerisa malittarisassiuunneqartarnerat  
iluatsitsiviuniukuunngillaq.

Akileraaruseriaaserput pinngitsooranilu soraarnerussutisiassat ileqqaarnissaq allaffissornikkut  
aqukkuminaaginnangillat aamma ataatsimiinnerup uuma immikkoortuata aappaani pinngitsaalialiilluni  
akilissitsisarnerup atuutilersinneqarnissaa kissaatigineqarpoq – akiliisitsiniartarneq namminersortunut  
suliakkiutiginagu il.il.

Kissaatiginagu “piumassutsimik” peqataatitsiniartoqarpoq, pisortat suliakiisarnerat ajornartorsiorfiuvoq.  
Taamaammat imaassorinarpoq inuussutissarsiutit pisortat sullississutaannik suliaqartut salliutillugu  
pinngitsaalialiilluni piumassutsimik peqataatitsinikkut eqqorneqarput.

Arlaatigut eqqarsarpugut kommunistitoqqatut naalagaaffiliuinnarsinnaasugut. Killilersuinerit  
amerlavallaarput malittarisassiornerillu politikkerit qaraasaanniittut eqqaassanngikkaani isumaqanngillat.  
Oqaatigeqqissavarput aaqqissusseqqinissamik sulisullu Nunani Avannarlerni, Naalagaaffeqatigiinnermi  
noorarsinnaanerannik nuuttullu nunaqavissullu naligiissitaanissaannik pisariaqartitsisugut. Inuaqatigiit  
tamanna pisariaqartippaat .

Taamatulli uani Naalakkersuisut eqqumaffigivallaarpasippallaanngisaannik arlalinnik ajornartorsiuteqarpoq:



- 1) Illoqarfinni ilinniarfeqarfiusuni ilinniartut inaat taamatut annertutigisumik amigaataatillugit ilinniartut sulinermillu misiliisut sumi najugaqassappat?
- 2) Ilinniartut sulinermillu misiliisut inuttut atukkatigut ajornartorsiuteqarneq, atornerluinermik ajornartorsiuteqarneq allanillu inuttut suliamilluunniit ajornartorsiuteqarneq pissutigalugu sulisinnaanngitsut suliffeqearfiit qanoq Illoqarfissavaat?  
Suliffeqarfiit ullumikkutut atuuttunik ilinniarfinni aaqqissuussinernut isumaginnittooqarfimmiluunniit paasiniaavagineqarnissaannik taakkuninnga innersuussisinnanaangikkunik peqatigitillugu isumaginninnermi allaffittut atuutissappat. Tassa pinngitsaalissummik aaqqissuussinikkut nammineq unnammillersinnaassusiminnik annikilliliinissamut pinngitsaalineqarput.  
Minngerunngitsumillu: Ilinniartut sulinermillu misiliisut pinngitsaalineqarluni piumassutsimik aaqqissuussineq pissutigalugu ajornanerusumik ilinniagaqassapput, tassani suliassanik pissarsiniarluni naammagineqaannartariaqarlutik.
- 3) Tunngaviusumik isigalugu ilinniartut internetimi suliffissarsiortarfinni pinngitsooratik suliffissarsiortarnissaat isumassarsialattut isikkoqarpoq, taakkuli allannissaannut ilitsersuutit atoruminaatsutut isikkoqarput. Sulinermik misiliinermi suna qulakkeerneqassava? Ilinniartut tassani qinnuteqaateqanngippata SU-at peerneqassava?  
Inuussutissarsiortut sooq sulinermik misiliisumik ilinniartumilluunniit sooq atorfinitssinerminnik soorlu taamaaliunnginnermik nalunaarusiortussangortinneqarnerminni allaffisornerat annertusitinneqassaaq.

Isumaqtigaarput pisariaqartitsisoqarnerani ilinniarfiit suliffinnut pisariaqartitsiviusunut ilinniartitsinissaannik kajumissuseqartitsinnejqartariaqartut, kisiannili inuussutissarsiortut akiligassaannik suliniuteqarani *ilinniarfinni* suliniuteqarnikkut tamassuma qulakkeernissaa pitsaanerunngila?

Taamaatiinnartutut isikkoqaraluttuinnarpoq. Ilinniarternut piumasaqaatit siullermik apparitinneqarpal, taava inissiat naammannngillat, taava perorsaasut ilinniartitsisullu naammattunik akissarsiagissaarnissaat qulakkeerneqarsinnaanngilaq aamma ilinniartut inaat amerlisarneqarsinnaanngillat kiisalu pisariaqarfiani inissiat amerlisarneqarsinnaanngillat.

Akerlianik inuussutissarsiortunit sulisunik aallartoqarpoq, aningasanik taakkuninnga aallertoqarpoq, pisortanut nalunaarsuinernik suliaqartussangortinneqarpuq – sumut iluaqutaasumik? – siunnersuutillu alap malinnissaanut pinngitsaalineqarlutik.

Aamma pisortani sulisut smileymik aaqqissuussinermik aqutsisinniarneqarput. Ila, sooq nukigut immikkualuttunik aaqqissuussinernut atussavagut?

Siunnersuut aamma suliassanik neqeroorfigisinhaasaannik ersarissorujussuarmik agguakkanik imaqarpoq; piumasagut malissigit, taamaaliunngikkussi suliakkerneqassangnilasi. Imaanngila tamanna toqqusassinerulaartoq?

Kajumissuseqartitsinissaq pitsaanerunngila, ajornartoorfigullu iliuuseqarfigalugit? Taamaaliornikkut pitsaanerungaartumik sulisoqassaaq.

ilinniarfiit namminneq ilinniartut inaanni inissat, ilinniarfinni inissat, siulliullugu kingulliullugulu suliffeqarfiit ilinniarfissat allappaat.

Ilinniartut sulinermillu misiliisut naammattumik pitsaassuseqarpata – tassa pitsaasumik ilinniartinneqarpata piareersarneqarpatalu, suliersinnissaat ajornartorsiutaasariaqanngilaq.



SULEQATIGISSITSISUT  
SAMARBEJDSPARTIET

Ilinniartitsisut, atortut, init ilinniartitsiviit, ilitsersuisartut il.il. amigaataanerat unai oqaatigineqarpooq, iluarsivigalugit aallartissutigisinnaasagut.

Taasiullugu uani siunnersuuteqarpugut ilinniarfinni pitsaassutsit suliniutiginissaat, inuusuttunik sulisinnaassusiinillu nalilersuinssat aalajangissagigut – soorlu *sulinermik misiliinnginnginneranni ilinniartunngunnginnerannilu* makissinnaanneq, inuttut atukkatigut ajornartorsiutit, atuarfinni piginnaasat. ☺

Naalakkersuisut ajornartorsiorfiusut paasiniarlugit inuussutissarsiortunut attaveqarnissaat taperserparput, qularutigingilarpullu uani oqaatigisatta assinginik oqaaseqassasut.

Ilinnikkarfiusartut kajumilesitsissapput peqataatitsiviullutillu, inuusuttullu sulisinnginneranni qaffassisumik pitsaassuseqarnissaat qulakkiissavarput – aamma sungiusarlutik suliinnaraluarputa.

Isumaqpugut aningaasartuutissatut uani ilimagineqartut saqqummiunneqartunit pitsangorsaatissatut atorluarneqarnerusinnaasut.

Meeqqaniit inuusuttunut ilinniarnerit pitsaassusaat samminerussanngilarput taamaalillatalu pitsasumik equeersimaarfiusumillu sulinissaq qulakkeerlugu?

Taamatut oqaaseqarluta siunnersuut una itigartipparput.